

# GEMEENTEBULLETIN

14 JUNIE 2020



## SONDAG 14 JUNIE | AANLYN

### Oggend-en-gesinsdiens

Matteus 9:35-37 | Koninkrykstyf | Ds. Why Duvenhage

### Meditatiewe diens

Kolossense 1:12-13 | Geluk gerekonstrueer | Ds. Philipp Dietmann

### Relevant-diens

*Open to be Kingdom minded* | Ds. Hanno Ackerman

**KYK** vanaf sesuur Sondagoggend, of enige tyd daarna, na die opnames.

**LUISTER** na die klankbaan van die eredienste op die webwerf.

**LEES** die geskrewe preek op die webwerf.

## HERVATTING VAN EREDIENSTE

Lidmate het verlede week kennis geneem dat ons tydens vlak drie van inperking weer op Sondag eredienste in 'n beperkte formaat en onder spesifieke voorwaardes mag hervat. Die kerkraad het daarvoor besin en besluit om op Sondag 5 Julie 2020 met twee dienste om 09:00 en 11:00 te begin. Tans is ons besig om al die praktiese reëlings rakende die eredienste se aanbieding te finaliseer en beoog om op Sondag 21 Junie volledig terugvoering te gee oor die inrigting van die eredienste, watter maatreëls sal geld en hoe lidmate 'n plek vir die bywoning van die dienste sal kan bespreek. Let wel dat ons steeds voortgaan met die weeklikse aanlyn dienste op die webwerf. Die meditatiewe diens en die jeugdiens (Relevant) sal steeds as opnames aanlyn beskikbaar wees en die oggend-en-gesinsdiens sal regstreeks om 09:00 uitgesaai word, waarna die opname ook later die dag en deur die loop van die week beskikbaar sal wees. Meer besonderhede is op [www.stellenberg.co.za](http://www.stellenberg.co.za) beskikbaar.

### GEDAGTES VIR ELKE DAG VAN INPERKING

'n Geestelike dagstuk word daaglik op [www.stellenberg.co.za](http://www.stellenberg.co.za) onder "Gedagtes vir elke dag" geplaas, of lees dit elke dag op die gemeente se Facebookblad.

### EK HET HULP NODIG

Indien jy tydens die inperking enige vorm van fisiese, of emosionele hulp benodig, kontak asseblief een van die leraars, of stuur 'n e-pos aan [hulp@stellenberg.co.za](mailto:hulp@stellenberg.co.za).

## TELEFOONBEDIENING

Leraars bied tans telefoonbediening aan deur met lidmate persoonlik te bel. Indien jy nog nie geskakel is nie en behoefte aan kontak met 'n leraar het, neem asseblief die vrymoedigheid om een van die leraars telefonies te kontak. Ons wil jou graag ondersteun, of hoor hoe dit met jou gaan.

## BYBELSKOOL | EINDE JUNIE 2020

Die grootste deel van die Nuwe Testament bestaan uit briewe wat deur Paulus aan die vroeë gemeentes geskryf is. Dit is dikwels vir ons moeilik om elkeen van Paulus se briewe afsonderlik te beoordeel en die belangrike nuanses en verwickelinge wat in die skrifgedeeltes opgesluit lê, te begryp. In die volgende aanlyn Bybel-skool gaan ons juis dit doen. Ons gaan in Paulus se voetspore loop en ontdek hoe nuwe moontlikhede vir gelowiges onder leiding van God se Gees gerealiseer het. Die kursus sal teen die einde van Junie aanlyn op [www.stellenberg.co.za](http://www.stellenberg.co.za) beskikbaar wees.

Hou die webwerf en die bulletin dop vir die finale datums.

## KATEGESE TYDENS VLAK 3

### Annibrand Junior

Ons maak steeds tydens vlak 3 van inperking op ouers se steun staat om voort te gaan met die kategeese-aanbieding. Volg die maklike riglyne:

Stap 1: Kyk saam na die kindermoment tydens die oggenddiens.

Stap 2: Laai die geskrewe lesmateriaal van [www.stellenberg.co.za](http://www.stellenberg.co.za) af deur op die Annibrand Junior-blokkie te druk en behandel dit met jou kind. Dit neem nie baie tyd nie.

### Vir die kleuters

Onthou daar word weekliks nuwe Bybelstories vir kleuters op [www.stellenberg.co.za](http://www.stellenberg.co.za) opgelaa. Onthou om dit vir jou kleuter te wys – klik op die Annibrand Junior-blokkie.

## STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrigter, asook 'n musiekterapeut se dienste word aangebied. Die sentrum is gesluit, maar Rudolph van Schoor, sentrumbestuurder en lewensafrigter, is beskikbaar by 082 854 4530.

## PROJEK SAMARITAAN

Die kerkraad het in die lig van die Covid-19-pandemie aan 'n taakgroep opdrag gegee om 'n strategie vir noodverligting en ekonomiese herlewing te formuleer. Vier fokusareas is geïdentifiseer: voedselvoorsiening en -sekerheid, ekonomiese bemagtiging, onderwys en familiebehoefte.

### 'n Hulplyn:

As jy fisiese, of emosionele nood as gevolg van die Covid-19-inperking, of ander omstandighede ervaar, stuur 'n e-pos na [hulp@stellenberg.co.za](mailto:hulp@stellenberg.co.za). Versoeke sal vertroulik hanteer word.

### Voedselhulp:

Die voedselnood raak al hoe groter en die gemeente werk saam met verskeie nieregeringsorganisasies rakende die insameling en verspreiding van voedsel om gesinne/persone te bedien wat nie deur groter hulpverleningsnetwerke bereik word nie. Voedsel word in Wesbank, Khayelitsha en Ysterplaat versprei.

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 0011, takkode 632005, maak. Gebruik *hande en rande* as verwysing.

### Help asseblief met die volgende:

- Baie dankie vir die positiewe reaksie wat ons rakende vrieskaste ontvang het. In die grootsaal staan nou vier vrieskaste waarin bevrore sop geberg word.
- Ons het helpers nodig wat ons kan help met die **kook van sop**. Jy kan die sop by jou eie huis kook. Indien jy kan help, kontak asseblief vir Anéne Nortier by 083 581 6930 sodat sy die resepte vir jou kan stuur.
- Ons wil graag 'n netwerk van voedselverskaffers opbou. Indien jy kontak het met 'n verskaffer by wie produkte teen bedingbare pryse, of met afslag bekom kan word, kontak asb. vir Anéne Nortier by 083 581 6930.

### PROJEK SAMARITAAN HULPLYN

[hulp@stellenberg.co.za](mailto:hulp@stellenberg.co.za)

### NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos deur jou e-posadres aan [sanel@stellenberg.co.za](mailto:sanel@stellenberg.co.za) te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang deur jou naam, van en selfoonnommer na 083 611 4720 te stuur.

### GEBEDSVERSOEKE

Stuur jou gebedsversoeke (anoniem indien jy dit verkies) na [navrae@stellenberg.co.za](mailto:navrae@stellenberg.co.za).

## PROJEK SAMARITAAN

...vervolg vanaf bladsy 3

### Entrepreneurskap

Is jy 'n entrepreneur, of eienaar van 'n klein besigheid wat die inperking oorleef het, of moes jy jou besigheid weens finansiële druk sluit? Besoek [www.stellenberg.co.za](http://www.stellenberg.co.za) vir volledige inligting rakende ons ondersteuningsdienste aan entrepreneurs en kleinsake-eienaars.

#### • Advertensieblad

In die lig van die landwyse inperking kan advertensies van plaaslike sakeondernemings of informele besighede tot einde Julie gratis in die gemeente se advertensieblad, genaamd Samaritaan, geplaas word. Ons vertrou dat die gebaar plaaslike en informele besigheidseienaars sal ondersteun. Stuur jou advertensie voor Vrydag 26 Junie aan Faan Blom by [faanblom@yahoo.com](mailto:faanblom@yahoo.com). Die Samaritaan verskyn weer op Vrydag 3 Julie. Vorige maande se Samaritaans is op [www.stellenberg.co.za](http://www.stellenberg.co.za) beskikbaar.

#### Familienetwerk vir ouers en kinders:

Dit het onder ons aandag gekom dat ouers wat werk (dikwels deesdae vanaf hulle eie huise) hulp/ondersteuning benodig om hul kinders te versorg, of met die voltooiing van skoolwerk by te staan. Daarteenoor is daar waarskynlik ook lidmate wat graag 'n inkomste wil verdien en bereid is om versorgingsdienste vir kinders aan te bied. Ons wil graag mense wat dienste benodig en diegene wat dienste kan aanbied, d.m.v. die familienetwerk met mekaar in verbinding bring.

- Het jy behoefte aan 'n kinderversorger, of leerondersteuning vir jou kind, terwyl jy werk? Kontak dan vir Lindy van Wyk de Vries by [lindy@stellenberg.co.za](mailto:lindy@stellenberg.co.za).
- Kan jy teen vergoeding kinders met leerondersteuning bystaan, of behulpsaam wees met die algemene versorging van kinders? Besoek ons webwerf ([www.stellenberg.co.za/familienetwerk](http://www.stellenberg.co.za/familienetwerk)) vir volledige besonderhede oor hoe jy jou dienste op die netwerk kan registreer.

### LERAARS

Ds. Hanno Ackerman

079 543 5261

[hanno@stellenberg.co.za](mailto:hanno@stellenberg.co.za)

Ds. Marius Breytenbach

082 376 6053

[marius@stellenberg.co.za](mailto:marius@stellenberg.co.za)

Ds. Philipp Dietmann

084 354 0729

[pdietmann@gmail.com](mailto:pdietmann@gmail.com)

Ds. Why Duvenhage

082 570 5931

[why@stellenberg.co.za](mailto:why@stellenberg.co.za)

Ds. René Potgieter

079 893 8104

[rene@stellenberg.co.za](mailto:rene@stellenberg.co.za)

Ds. Callie Visagie

072 385 4368

[ctvisagie@stellenberg.co.za](mailto:ctvisagie@stellenberg.co.za)

[stellenberg.co.za](http://stellenberg.co.za)

### Stellenberg

**Ondersteuningsentrum  
(SOS)**

Rudolph van Schoor

Sentrumbestuurder

082 854 4530

[rudolph@stellenberg.co.za](mailto:rudolph@stellenberg.co.za)

## FINANSIËLE BYDRAES

Hartlik dankie aan elkeen wat gedurende hierdie moeilike tyd die gemeente in staat stel om finansiëel te oorleef. Bydraes kan soos volg gemaak word:


### Debietorder

Laai die aansoekvorm van die webwerf af.

### EFT-betaling

Dit kan oorbetaal word na ABSA-tjekrekening  
145 058 0011,  
takkode 632005.

### SnapScan




### Kontantbydraes – plaas in die posbus


Diegene wat verkies om hulle bydraes kontant te gee, kan steeds kontantbydraes by die kerkkantoor afgee. Daar is 'n beveiligde posbus by die voordeur van die kerkkantoor. Plaas jou bydrae daarin. Die posbus word daaglik leeggemaak.

## BANKKOLLEKTES EN DANKOFFERS

### Bankkollektes



### Dankoffers



### STELLENBERG-GEMEENTE

[www.stellenberg.co.za](http://www.stellenberg.co.za)

Kerkkantoor

021 976 4519

[navrae@stellenberg.co.za](mailto:navrae@stellenberg.co.za)

Feesmarkkantoor

079 269 3663

[feesmark@stellenberg.co.za](mailto:feesmark@stellenberg.co.za)

Stellenberg  
Ondersteuningsentrum

082 854 4530

[sos@stellenberg.co.za](mailto:sos@stellenberg.co.za)

Straatadres

h.v. Moutain View-  
rylaan en  
Edelweissweg,  
Eversdal, 7550

## MET LEEDWESE

Ons neem afskeid van die volgende lidmate:

- Jakob Frederick von Hindenburg Heydenreich (Vonnie), gebore 27/11/1934 en oorlede op 09/06/2020. Hy was 'n inwoner van Edelweiss Dienssentrum en sy vrou, Willie, woon steeds daar. Geen besonderhede rakende die roudiens is nog bekend nie. Ons opregte meegevoel aan Willie en sy kinders wat hy agterlaat.
- Maria Helena Susanna Louw (Miems), gebore 08/11/1922 en oorlede op 06/06/2020. Sy was 'n inwoner van Edelweiss se versorgingseenheid en haar roudiens is op Vrydag 19 Junie in die kerk. Ons meegevoel met Tertia en Dawie Joubert, haar dogter en skoonseun, wat ook lidmate van die gemeente is, asook ander familie wat sy agterlaat.
- Johanna Maria van Vuuren (Joey), gebore 25/07/1925 en oorlede op 08/06/2020. Sy was 'n inwoner van Edelweiss en sedert 1999 'n lidmaat van Stellenberg-gemeente. Haar roudiens is op Saterdag 13 Junie in die kerk. Ons opregte meegevoel aan haar kinders wat sy agterlaat.

## HEROPENING VAN DIE KERKKANTOOR

Die kerkkantoor maak weer op Maandag 15 Junie oop, daaglik vanaf 08:00 tot 13:00. Met die oog op Covid-19-protokol, versoek ons besoekers om waar moontlik nie die kantoor te betree nie. Indien pakkies afgegee word, laat dit asb. by die voordeur se hek, op die stoep, ons sal dit daar in ontvangs neem. Doen sover moontlik asseblief telefonies tussen 08:00 tot 13:00 navraag oor sake of vir die tref van reëlings, of stuur 'n e-pos na [navrae@stellenberg.co.za](mailto:navrae@stellenberg.co.za).

### HET JY 'N PREEK MISGELOOP?

Kliek op die eredienste-blokkie op die webwerf en dan op die YouTube-skakel om die argief van al die opnames van preke te bereik.

### PINKSTER 2020

Wil jy dalk nog na van die Pinksterdienste kyk, of inligting op die Pinksterblog lees?

Besoek dan [www.stellenberg.co.za](http://www.stellenberg.co.za) en gaan na die "eredienste"-opskrif in die rooi banier bo-aan die tuisblad. Onder die eredienste-opskrif is **Aanlyn Pinkster 2020** gelys, kliek daarop.